

# TARDE NUESTRE – NOCERINA = 2 A 1...IL MOLOSSO? HA SCIUTE SOTT'ALL'OSSE!

L'ha mann't Aldo "Diecipalazine"  
lunedì 28 marzo 2011

S'acchiare proprie bbuene le molosse ajere. Sott'acchiare proprie! Ehehehe! A ddà cu ddice quedda malacere d'ALTERI: "Partita decisa da un'episodio". A veretade jè, ca angore le stè vuscke "u &hellip;&hellip;&hellip; Ca po' ste pparle proprie ijdde ca ha fatte "nu gol a cule, cu "nu tire a uecchie. Vatt'acchiare! Malacere! Ajere record de cristiane o lacovone. Ce feste uagnù! Ce spettachele a vedè le doje curve chine ca se sfuttevene. Stave pure "nu belle sole. E ce vulite de cchiù? Un Campano? Ehehehe. Ah già&hellip; quidde ere "u Lucane! Ce soddisfazione vengere cu "a capoliste. Se credevene intoccabbele e "mbece: mazzate!

Stavene tanda ex, belle e brutte, e une de quiste CATANIA ha fatte gol&hellip; a ijdde stesse però. Ehehehe. E po' "u frangese: GIUGLIETTE RANTIER ha fatte "nu cape gol&hellip; none de cape&hellip; se dice de cape ma ha segnate de pede. Ha fatte "nu cape gol de pede "nzomme. Honne sciucate bbuene quase tutte e n'otre picche le facemme "u cappotte a "capoliste. Decime che la Nocerina ha state inferiore&hellip; NOCERA INFERIORE appunto. Peccate pe GIORGINO ca s'ha fatte male. S'ha strazzate. No ss'ha strazzate "a maglie&hellip; ma "a jamme. Pacenze! Quanne ha segnate "u Tarde nuestre ha scuffulate "u cambe&hellip; accome alle vecchie tiempe. OUSMANSY&hellip;(tutt'attaccate)&hellip; ha smundate "u pale cu "nu tire, ca stè tremele angore. Peccate a GIRARDI, s'ha sudate "a maglia e accome succede ogn'&hellip;e vvote no&hellip;nge le fanne fa&hellip; "u gol. "U purtiere lore&hellip; ca jè ppure "u nuestre&hellip; (jè tarandine) GHIGOGORI&hellip; (tutt'attaccate), s'ha apierte le valvele. E accusi "u Tarde nuestre n'ha rialate "nu sorrise. Grazie! E dope "nu sorrise, "na lacreme: "Nu penziere pe "n'amiche ca se n'ha sciute o paradise venerdije. ARMANDO EBRAICO. Amico nostro: "Sta vettorie jè tutte a toje. Ciao Armà!